

پازار ایرتسی فی ۱۰ جاذی الاول سنہ ۱۳۲۸ و فی ۶ مائیس سنہ ۱۳۲۶

جمعیت اسلامیہ نیک ناشر افکاریدر


مدیر مسئول :
مکتب قضاء معلملرندن
کایسلی منبر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

تاریخ اسلام صحائفندن طاهر المولوی	عالم اسلام
اخلاق م . ص	چین مسلمانلری عبدالاحد داود
اسلامده علوم وفنون ع . عاطف	ایرانک وضعیت حاضرہ سی » » »
محاکم شرعیہ و حکام شرع قانونی لایحہ سی	ردی علی مافی القول من الردی مصطفی صبری



نسخہ سی ۱ غروشدرد

آبونہ اجرتی (پوسٹہ اجرتیلہ برابر در)

مالک اجنبیہ ایچون :
۶۰ ، ۰۲ فرائق
» ۶ ، ۳۰

استانبول ورلایات ایچون :
بر سنہ لکی ۶۰ غروش
الشی آیلنی ۳۰ »

درج اولنمیان اوراق اعاده ایدلمز

قارئلر منزه

اکثر مقالاتہ آیات کریمہ واحادیث نبویہ درج ایدلمش بولندینی نظراعتبارہ آلتہرق رعایتسزلکده بولنلماہ سی رجا اولنور .

درسعات

محمدود بک مطبعہ سندہ طبع اولنمشدر

لسانه احتیاجلری طبیعی اولان اهل اسلام اولمشدرکه خلیلار سیبویهلر ، اخفش ، فارسی وزجاجلر هب بوقیلدن علمای کرامدر بو میانه اساساً عرب اوله رق اصمعی کبی نادرأ بعض اهل لغت وارباب ادب دخی یتشمشدر .

قرآن کریمک جمعندن صوکره بین المسلمین ایلمک تدوین اولنان ، علم تفسیر اولوب بونک دده برنجیسی هجرت نبویهک یوز دورت سنه سنده وفات ایدن (مجاهد بن جبر) ک تفسیریدر ، ایکنجی درجهده تدویننه لزوم کوریلن علم ایسه تاریخدرکه بونک دخی برنجیسی اولق اوزره (وهب به منبه) ک تاریخله (محمد بن مسلمک) کتاب المغازیسی کوسه تریکدهدر .

دها صوکرملری هجرت نبویهک قرن نایسی اواسطنه طوغری حدیث وفقه کتابلری تألیف اولمشدرکه مکده ابن جریج ، بصرهده سعید بن ابی عروبه ، کوفهده ابوحنیفه ، شامده اوزاعی ، مدینه منورهده امام مالاک کبی بر چوق ذوات کرام حضراتی بویولده تألیفات مهمه ایله مشغول اولمش مؤلفات اسلامیهنک بو قسمی کوندن کونه تمکثر واتشار ایتمهک باشلاهشدر .

قونیهلی :

ع : عاطف

مجلس مبعوثان علمیه انجمننجه تمدیلاً قلمه النان

محاکم شرعیه و حکام شرع قانونی لایحهسی

اسباب موجهه مضبطهسی

مابعد

اولا محاکم جزائییه و محاکم تجاریه تفراق اولندی اخیراً او زمان حکومتک قانون مدنیسی ارلان فقه موجبنجه حل و تعیین احکامنده هر نه دانشی و تعامی و تکامل

حتی علیه الصلاة افندمز بر کون حضرت عمرک (رضی اه عنه) تورانه دائر برشی مطالعه ایتمکده اولدیغنی کورهدک اثر غضب وجه سعادت برنده رونما اوله جق بر حالده صیقلمش و : بالذات حضرت موسی بر حیات اولسه بو کون بکا اتباع ایتمکدن باشقه احتمالی یوقدر دیمک اولان « لوکان موسی حیا ماوسمه الا انبای » لفظ شریفیه منع ایتمشدردر .

قوم عرب ، اسلامک اوائل ظهورنده فتح بلاد ، نشر دین و اداره امور حکومتله مشغول بولوب تسخیر ایلدکلری ممالکله نسبتله عددأ یک آرز اولدقلرندن عالمی قبولنه دعوت ایلدکلری قرآن عظیم الشانن باشقه علوم و فنونه دائر هیج برشی ایله اشتغال ایتمهک زمان بولاما . مشاردر ، اولنلر دائماً امور عسکریه و اداریه ایله اشتغال ایلر ، و اولاد و احفادلرینی ، نشر دین ، حفظ رعایا ، و فتح ممالک خصوصاً صلرنده فوادی درکار اولان آته بینمک ، سلاح قوللانمق کبی لوازم حربیه و تسخیر قلوب ایچون شعر و خطابه تشویق ایدرلردی .

عربلر ، بلاد و امصاره داغیلوب هر درلو مهالکله قارشی دونمز بر عزم ، مصمم بر اقدام ایله ایلریلیدیهرک دکتر سفرلری اجراسنی دخی ذهنأ قراراشدیرمش اولدقلرینی حس ایدن امیر المؤمنین عمر (رضی الله عنه) : اولادکیزه صوده یوزمه یی ، آته بنمکی اوکرهدک ، شایع اولان امثال عرب ایله اخلاقه خدیت ایدجک اشعاری روایت اشویق ایدک معانسه اولان : « عاموا اولادکم السباحة والفروسیة و دووهم ماسار من المثل و حسن من الشعر » قولیله دکزده سیر و سفره دائر لزوم کوریان معلوماتی ایدنملرینی اخطار ایتمشدردر .

قرائت خصوصنده قراء اختلاف ایدوبده لغت عربک ضبطنه لزوم کوریلانجه عربلر حسب الملکله قواعد لسانی تعلم و حفظ الفاظدن مستغنی اولدقلرندن بو خصوص ایله اشتغال ایدنلر ، عن اصل عرب اولیوب

ایدیلن بعض مسائله دعاوی نظامیه عوانی ویرلهرک حاکم مشترک اصولیه محاکم حقوقیه نظامیه تشکیل ایدلدی . بونک اوزرینه مملکتده بری مشترک بری منفرد ؛ منفرد اولدیغی قدر متروکیت و پراشانیسی ملترم ایکی نوع محاکم حقوقیه ظهوره کلدی او وقتدنبری ارزو ایدیلان انتظام عدلی یرینه قوه قضائیهده بر تذبذب فعلی رونما اولدی . بو تشکیلات بر تجدد اولق اعتباریه شایان تقدیر ایدی فقط بو تجدد بر حس وطن پرورانه و بر نیت خیرخواهانه و کار شناسانه ایله وقوعه گلش اولسیدی ایلاک خطوه تجدد قوه قضائیهنک تحویل ماهیتی و محاکم مملکتک تشیت و تشویشی صورتیه دکل یکانه هدف اعتراض اولان نقطه لک ازاله سنه واصل ملت منفرد بولان حکومت غیر مشروعه سوء اداره سی رفعه نصب نظر ایلاک طریقله آتلق لازم کلیدی .

مع التأسف کویا اوروپایه بروسيله مدافعه اولق وینه نتیجه اعتباریه احقاق حقه کی کشمکش ادامه ایدملک نقطه نظرندن حرکت ایدلمش کی تشبث اولنان تشکیلات مذکورده روح مملکت تمامیه تقدیر ایدلدیکی جهته خیلی سنه لردن بری تشکیلات عدلیه مملکته تعمیم ایدیه مدهن قالدی . محاکم نظامیه صرف ایدیلان همملک مشترک نصفی بیله محاکم شرعیه مناب کورمک طرفی اترام اولنهرق تنظیم و ترقی او نقطه دن باشلامش اولسیدی شبهه یوق که محاکم نظامیه و شرعیه نک نقطه ملاقاتی تعیین ایدیلهرک حرکت اولنور و بالتیجه محاکم مملکتده یکنسق اولهرق تحقق ایدردی . مملکت عثمانیه نک بالجمله اقطارنده موجودیتی حسیله اعماق حسیاته نفوذ ایتش بولنان محاکم شرعیه بر طرفدن حکومتجه قوانین مملکتدن سیلنمی مطلوب ایتش کی عطف نظر اصلاح و صرف همت ترقیدن محروم ایدلمک محکوم بولندیغندن حکام و کتبه سی لایقیله توظیف ایدلمیوب حاصلات ایله اداره ایدملک دیگر طرفدن قضا و نوابک قدرت علمیه و سویه

اخلاقیه لرینه دقت و لیمهرق سلاک قضایه بر چوق نا اهلار طولدی رملق ایله قانیموب نواب شرع دوا و حکومتک عاداتا هر درلو وظائفندن علاقه دار و مسؤل طوباق و عین زمانده وظیفه قضائیه لرنده مجازات و مکافات لرینه اهمیت ویرمامک طولایسبله برحاله کتیرملک ایسته نلیدی که کویا ایچندن اولمش کی کندی کندی نه افکار عمومیه نک نظر احترامندن همان دوشو ویره جک ایدی . لکن وطن عثمانیک ترقی سعادتنده ذوق یاب اولنلرک معلومی اولدیغی وجهله بو تصورک امکانی فرض اولسه بیله بونک قلب طبیعتله حیز حصوله کتیر یلسنه چالیشلدینی اعصار مدیده ده وطنک قان اغلا یا جنی متحقق ایدی .

کرچه سلطان مجید زماننده معلماخانه نواب کشاد اولنوب اهلیتلی نواب یتشدرملک و ۱۲۹۰ تاریخارنده بر حکام شرع نظامنامه سی یاییله زق سلاک قضا بر انتظامه ربط اولنلق ارزوسی کوسترلمش ایسه ده هر ایکیسیده احتاج حقیقی به توفیق ایدلماش اولغله برابر دور اخیر استبدادک استیلای شأمی بونلریده بسبتون حکمسنز براقه جق درجه ده اجرای تأثیر ایدلیکندن قوه قضائیه من هر جهته فلاکت و اضمحلال ایچنده قالدی . شو قدر دنیله بیلیر که بو دورلر ایچنده یالکیز مجله جمعیت جاییه سنک اثر همتی اولان قانون مدنیز قوه قضائیه من نامه بر وسیله ابتهاج تشکیل ایدیه بیلردی و جمعیت مشارالیه نک ادامه سیله تشکیلات عدلیه منک اکالنه قدر او همته مراجعت اولنش اولیدی عثمانیلر بو کون پک منتظم بر قوه قضائیه مالک اولورلردی .

روح حیات سیاسیه من اولان قانون اساسی بو نقاط نظارک هیچ بری نظر دقتدن دور طوبتیموب محاکم فصلنده کرک محاکم شرعیه و کرک محاکم نظامیه به اهمیت لازمه ایله عطف نظر ایدرک حیسات مشروطیتمزک قوامی تعیین ایلش اولدیغندن له الحمد اعلان مشروطیت ایله شو اسباب فلاکته ختام ویرلمش اولیوردی . ایشته

تشکیلات محاکم و اوچنجیده احکام قضاة دردنجیده قضاتک مجازاتی بشنجیده مکتب قضات التنجیده کتبه و نواحی نوابی موضوع بحث ایدیهلرک مواد قانونیه بر انتظام ویرلدی .

معلوم اولدینی وجهله حکام و محاکم حقنده قوانین بر قاج نقطه دن مطالعه اولنور بر قسمی محاکم تشکیلاتی و حکامک تعیین و مجازات و مکافاتنه ایکنجیسی اصول محاکمه یه اوچنجیسی قضاتک تقید و اطلاقی اعتباریله و ظائفنه دردنجیسی حکامک استناد ایدیهلرکی قوانین حقوقیه مندأردر .

شمدی یه قدر محاکم شرعیه نک اشبو قوانینی قوانین تمامیه قیامدن کتب فقهیه ده ارجح و مفتی یه اولان اقوال اوزرینه جریان ایدور . و آنجق بجهل جلیله احکام حقوقیه نک بر قسمنه عائد بر قانون حالنده طوتولور . و طشره حکامک اصول و تعیین و ترفینه دأر بر نظامنامه موجود بوانیوردی . اشبو موضوع بخشز اولان قانون تشکیل محاکم ایلله حکامه متدأر اولقی اوزره قلمه آلمش اولمله هنوز اصول محاکمات ایلله قوانین سائر یه احتیاج باقی قالمشدر .

ایشته برنجی فصلی تشکیل ایدن مواد عمومیه ده قانون اساسی یه کوره محاکم شرعیه نک وضعیتی و محاکم تقسیماتی نظر اعتباره آلمش و بوبابده تشکیل ولایات قانونیه یقینه تحوله اوغرامسی ماحوظ اولان تقسیمات حاضره ملکیه یی تمامیه اساس اتخاذا ایتک موافق اولهمیه جفی کبی هنوز ناقص اولان تشکیلات عدلیه نک دخی اساس اتخاذا غیر موافق اوله جفندن هر زمان ایچون قبول ایدیهلرک تقسیمات ملکیه یه منطبق اوله جق وجهله اقسام و مراتب محاکم و کذلک صنوف حکام تقسیم ایدیهلرک بر طرفدن محاکم شرعیه نک تشکیلات اصلیه سندن مبادعت ایدلماش و برطرفدن آروجه انتظام بخش اولمشدر .

بو نقطه نظر دن دأره مشیخت انقلابی متعاقب محاکم شرعیه و حکام شرع قانونی لایحه سنی تنظیم ایتش و طرف حکومتدن کچن سنه مجلس مزه تودیع ایدلش ایدی . کرک لایحه مذکوره نک اهمیتی الجا آتی و کرک مجلسک مشاغل سائرهمی ایجاباتی اوله زق علمیه انجمنهجه هنوز تعدیلاتی اکال اولنوب مجلس عالی یه عرض اوله بیلدی . لایحه مذکوره حقنده اجرا ایدیلان تعدیلات خایجه مهم اولمله برابر اسباب موجبهمی قسماً مرتبه بدییاتده بولندیغی ایچون اولاباده بروجه آتی بعض مطالعات عمومیه ایلله اکتفا اولندی شویله که :

حکومتک لایحه سنی اوچ فصل اوزرینه مرتب اولوب برنجیسی درساعات ایکنجیسی طشره محاکم و حکامی اوچنجیسی طشره محاکمی کتبه سنی و نواحی نوابی حقنده ایدی . ایکنجی فصل خیلی مواد عمومیه یی دخی محتوی بولنیوردی .

اشو لایحه نک روحی طشره تشکیل محاکمی ولایاتک شمدیکی تقسیماتنه توفیق ورتبه ایلله توجیه قضا اصوانی طشره حکامندن رفع ایلله برابر استانبول محاکمده ینه ابقا و استانبول محاکمده قاضیلردن بشقه برر مشاور و معاون دخی بولندردرق قسماً حاکم مشترکه تقریب ایلک و مکتب قضاتدن مأذون اولمیه رق داخل سلاک قضا اوله جقلری برز تقید و معزولین علمیه صندوقنک تشکیله قدر قاضیلری اوچر سنه مدتله تعیین و اوچ قساماتک توحیدیه مخالفات عمومیه قساماتغی احداث و اناطولی قاضی عسکرلکینی اسکداره نقل و اناطولی و روم ایلی عسکرلکری و ظائفنه محاکماتک استینافاً رؤیتی و ظائفنی یکیدن تحمیل و درساعات محاکم جزئییه سندن بعضیلرینی لغو ایتک کبی اساملری احتوا ایدیوردی .

انجمنهجه اولاً لایحه مذکوره الی فصل اوزرینه ترتیب اولنوب برنجی فصلده مواد عمومیه و ایکنجیده

بوکا متفرع اوله رق رتب اعتباریه کورد تعیین قاضی کبی تغییر مشروع بر حال کلیاً بر طرف ایدیلوب رتب عامیه نک حین احداثده کی مقصد واساس دائر دهنده مناصب قضا صنوفه کورد بر رتبه تابع طوتیه رق رتب سائر دنک دخی اصلاحه بر اساس قونلشدر . مشاور اساسی دخی حاکم شترکه تقریباً دکل نوع مصاحته توفیقاً قبول اوله رق هم طشره واستانبولک تفاریق بر طرف ایدلش وهم بودجه نظر اعتباره الیه رق بر مشاور ایله اکتفا قلمشدر که اصول محاکمات شرعیه ده بیان اوله حق علنیت محاکم قضیه می ایله محاکمات امنیتیه محافظه ایدیله بیله چکندن مشاور لرده شهود الحکم نصابه لزوم کورلماشدر .

وبونلره متفرع بعض مواد تالیه مواد عمومیه درج اولمشدر .

ایکینچی فصلده ایسه استانبول وطشره محاکمک صورت تشکیلی کوسترلش اولدیغندن استانبولده لغو ایدیلان محاکم جزئی لغو ایدیلدی کبی ایوبک دخی تقسیمات مملکیه ده موقعی اولیه چکندن استانبول محاکم ملحقه سنه ادخالی قبول ایدلشدر .

انجق بوراده انجمنمزی اک زیاده اشغال ایدن مسائلدن بریی اناتولی و یاروم ایلی قاضی عسکر لرلندن برینک وبرده محکمه نفتیشک الغاسی ممکن اولوب اولیه جنی قضیاسی اولمشدر .

مابعدی وار

عالم اسلامیت

چین مسلمانلری

[۲]

مشار الیهک عهد سلطنتده دنیسانک اک مترقی ، اک متمدن مملکتی بولان چینده بیوک مکتبلر کشاد

ایدلش ، وایلیک دفعه اوله رق امتحان و مسابقه اصولی دخی اوزمانده وضع اولمش ایدی و بیسک اوج یوز سنهیه قدر دوامده ایدلی اوزمان ایران و بحر خزر ایله همجوار بولان چین دواتی آسیای وسطاده دخی بر چوق مملکتلری احتوا ایدیلوردی . بونک ایچون حکمدار مشارالیه بنیاز دواتی صولت و تجاوزاندن محافظه فکیرینه مبنی داخل و خارجده بولان بر چوق قبائل اتراکیه ایله مناسبات دوستانه ده بولنق بولتیقه نی دولک سیاسی ایچون الزم کوریلوردی . ترک عشائریه امتیازلر ویردی .

سربستی مذهبیه مساعدده ایتک کبی علو جناب کوستردی . ذاتاً سرای حکمداری بتون جهانک ادبا و فضالسنه کشاد ایدی هر طرفدن حکما ، علما ناشیرین دین پایتخته مسافرت و تردد ایدرلردی .

حضرت وهاب رفقای کرامی ایله برابر الیوم [شنعی] دنییلان ایلنده کائن [صغان] ده ، مقرر حکومتیه واصل اوله رق طرف امپراطوریدن اعزاز سیورلدقدن ماعدا کندی دینلرینک نشر و تاقینی خصوصنده سربست بر ایلیدی . حتی حقلرنده لازم کان معاوننده دریغ اولنمیدی . ایشته بوسایه ده چین مرحدلرینک بر اترقیه تداری اولمق اوزره [قانتون] ده برجامع شریف انشا اولنیدی . بر انکلیز پروتستان مسیونری بویابده بوجه آتی یازیور : « ایلچی وهاب حضرتلری چینده برقچ سنه اقامت ایلدکدن صکرده عربستانه عودت ایلش ایدی . لیکن همشیره زاده سی اولان سید کائناتک ارتحال ایتمی اوزرینه . بو ارتحال که همان وهابک عربستانه و وولندن برقچ آی اول وقوع بولش ایدی . یا اقصای شرقده کی مقدمات مشکوره ارشاده بی استکمال و نشر انوار دین مقصدیه یا خود دیگر بر سیه مبنی بتکرار عربستانی ترک ایدرک چینه رجعت ایدلی . دیار غربتده نشر دینه سعی و اهتمام ایدن و عائله نبویه مذوب اولان شو غیور ،